

卷五

書名 烏鼠山人小集十六卷後集二卷 嘉靖十八年刊本
 撰者 明 胡纘宗 撰
 卷 卷五
 內容分類 集- 別集- 明中葉
 索書號 集部- 別集- 7- 40
 編號 D7433900

[彩色首頁1](#)
[彩色首頁2](#)

[東洋文化研究所漢籍目錄 編號: D7433900](#)
[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)
[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)
 版權所有: [東京大學](#) [東洋文化研究所](#)
[使用上的注意事項](#)

烏鼠山人後集卷之一

古體四言 長短句附

諸子胡祕 諸生關畿校

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚
 野杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆

鳥鼠山人小集卷之五

國子生皖江陳以道

長洲歸仁

學生太原郝元漢編

古體四言

南海篇贈黃太史才伯

翩然大鵬天南橫絕水擊千山垂翼丹穴來儀

王廷蕭韶時闕鳴惟朝陽爛其五色天闕有池舉世

覽德載翔載翔豈惟華國非梧不棲非竹不食

南海吟贈廣東謝公方伯

瀾瀾南海其波不揚汎汎仙槎在河之陽君子至止

環珮鏘鏘青鸞采鳳三鳥翱翔

天子曰都爾來予使予有四海其惟爾康

黃鳥 懷傳廉訪錄也

翩翩黃鳥飛飛中林蕭蕭其羽關關其音東風扇和

春日流輝應候 禁苑協調 彤闈

飛飛黃鳥集于喬林載鳴載飛嚶嚶好音春日遲遲

東風灑灑相求相和願言終老

古體五言

援琴二首

援琴奏大雅便看鸞鳳儀舉世重下里我倡賡者誰

不見郢中客空吟白雪詞

援琴坐草堂吾意在山水况復對鍾期一倡何能已

嗟嗟季世音流蕩伊誰始

贈戴僉憲使蜀

人言蜀道難我言蜀道易君子按和鸞鏘鏘隨所至

莽莽多青山鱗鱗復流水但使玉在衡周行固如砥

登茅山

六峯突兀起二峯聯翩來三峯倚而侍萬落環以回

前觀傍天出後觀隨雲闌上宮千樹桃下宮萬頃梅

洞石既空邃泉水復滌洄林深山自靈玉座誰為培

宰相已黃土神仙亦紫灰嗟嗟車馬客今古猶追陪

秋空一長眺惆悵真悠哉

一朝被風雨行送朱憲副德嘉二首

華峯高何如鳥飛不能上上有玉井蓮開花過十丈
一朝被風雷花垂峯欲摧不知皎日出花峯元崔嵬
磊磊太華石峩峩千歲松皎皎照白日鬱鬱盤蒼龍
一朝被風雷激烈如折衝不知堅白操雨過還蒙茸

不見吟與劉黃門琦

不見望底雲遊子心如焚不見堂背花遊子心如麻
不見手中線遊子心戀戀不見織上機遊子心悽悽
不見疾時憂春暉伊誰酬不見戲時樂彩衣伊誰着
但見洛山高遊子心迢迢但見洛水長遊子心彷徨

首陽吟

青青首陽草白白首陽心豈不惡濁亂至繁亦何復
伐商縱有詞輾轉自不禁長揖謝尚父洗耳商山陰
周粟亦可食商祀嗟誰歆是以竟餓死清風流古今

送周行之憲使二首

引領望明月明月在扁舟盈盈江水生皎皎江雲流
送子以晨風酌子以虎丘所期在萬里相對良悠悠
扁舟繫明月望望閭門別中有同心人援琴歌白雪
白雪諧羽商之子聲相將大雅世所希黽勉歸虞虜

送尚別駕來瞻

濯濯閭門柳粲粲吳苑花翩翩江左客汎汎天邊槎
皎皎虎丘月燁燁仙掌霞之子抱金鏡采風歌皇華

謁闕里五首

日出登清廟仰見輕雲流百拜杏壇下金石諧深幽
袞冕儼堂階瞻顧心悠悠天不生尼父斯文將焉求
春雲覆魯阜紫氣生尼山奕奕素王宮宛在海嶽間
海深不可量嶽高不可攀鳳鳥復何處洙泗空潺湲
巍巍登宮墻肅肅列冠裳穆穆啓遙殿翼翼瞻崇堂
雖雖閑禮樂郁郁昭文章競競但百拜納納何能量
兢兢入闕里翼翼登杏壇暉暉美千室楚楚富百官
羲文不復作太極誰爲端輾轉感麟處絕筆有餘歎
暮依鳧嶧山曉循洙泗水杏壇浮白雲蒼檜何旖旎
但見宮墻高不知室家美恢恢詔百王顯顯垂千祀

思蘭吟與姚比部

茂蘭宵虛谷谷深蘭自華千巖疑夕露萬壑清
采采香盈把欲贈情還賒不見鬼谷子囊括空天涯
賦得九峯行奉壽峯翁司徒孫公

顯灝湘之陽濯濯漢之際晶晶九峯開轟轟九峯集

一峯摩天飛一峯倚雲立一峯突以起一峯翔而戢

一峯昂若軒一峯拱如揖一峯蓮欲生一峯鸞初習

一峯儼獨尊衆峯倏還翕龍蟠九華出雲約九疑橫

神龜委蛇瑞靈椿窈窕榮黃鶴翩翩舞白鹿呦呦鳴

山翁九卿長

帝佐九州名一代重元老千載揚休聲

觀風篇贈楊侍御東

天子重觀風太空懸執法肅肅秋自嚴融融春亦石
朝辭郭隗臺暮指郇瑕里潞河揚繡帆采石承錦鯉
瑞池向日開玉屑乘風結臨堤新舊翻開度遠近悅
翩翩柱下立赫赫殿中行攬轡酬我志我志在澄清
我有冠前豸所向邪枉解我有道上駘駢駢行步工
我有旌邊鶴飛鳴動寥廓我有几上琴奏雅太古音
我有簪間筆霜風時凜凜我有手中簡獨對情何隱
雍州閭閻關豫州生齒繁冀州商賈集并州戎馬奔
天不售此監儲餉誰為力小以阜吾民大以裕吾國
河東花鳥嬉關西水竹通汲南舟檝交分屯軍馬同

在在雨露沃行行豺虎伏丈夫志雲霄

君王徵夢卜陳陳帑內實源源閩外充却抱儉朴蹤
入奏明光宮中興當周宣昭代出山甫袞衣如有
闕華蟲我當補

經冷泉寺

翼翼冷泉樓差差冷泉路兼天汾水流就地霍雲度
蘆荻語秋禽黍黍垂朝露繫馬對高僧色空伊誰悟
出門吟

君不見出門山石敲牽衣荆榛密叢棘棲朱鳳浮雲
閑白日君不見劔閣迥連雲秦嶺高摩天長沙賦盈
牘汨羅騷聯篇君不見蜀棧樹攀引皖江波擊春震

澤廣龜鼈會稽多蛟龍君不見鮮妍路所指統變世
 莫容春明遙萬里建章深九重君不見蓬萊海震
 盪隴阪水鳴啞焉支屯犬羊滄頽橫牛馬君不見白
 首翻如新傾蓋却如故晏嬰獻二桃曹植吟七步君
 不見金籐名自昭麈裘世不疑馳驅不獲禽尺度有
 餘師

出郭二首介休縣

出郭六七里烟霧乘郵亭分水向我白縣山向我青
 我意欲訪古古寺唯碑銘不見碑文子瞻氣凌蒼冥
 新晴偶出郭四野禾黍深野老歡相慰不愁貧窶侵
 龜勉辦雞酒時眺東山岑忽思運歲凶輾轉傷人心



夏日雨忽霽東山月復圓
半山出青嶽鷄犬宿蒼烟
山居有若此軒冕非所便
野老携筇杖相對但依然

贈劉參知士奇

鬱鬱終南下高人初結廬
良朋時宴會岳雲閒卷舒
雖無東山妓却有西陂魚
充庭皆蘭蕙芬芳襲襟裾
采采伊誰贈清風吹玉除
漢文終有道况聞前席虛

刈麥

宗廟備黍盛賓客資宴饗
殺水侍庭闈几席通隣黨
命僕稼禾黍聊以卒俯仰
螺泉既淵回元川亦深廣
時具鷄黍新日課桑麻長
刈麥羨遄歸看雲欣獨往
細雨灑籃輿涼風飄鶴氅
徜徉山水間蕭然寡塵鞅

何許遂初心皜皜羲皇上

贈黃參政時庸

拂拭理瑤琴琴中太古音薰風自南至飄飄吹我襟
滌泮一曲升悠悠一曲沉三出太華直九折黃河深
倡嘆如有獲爾雅琴中心不有鍾期子那聞白雪吟

蟠桃篇

西池白雲多漭沆圍瑤草和露種天桃天宮開花早
盤根三千程屈曲蓬島結實三千春燦爛當太皞
王母饗郡仙摘桃各鮮好麻姑下遙空安期來遠道
紫芝朝同食碧霞夕共掃宴樂不知年天地與同老
過王孟祥仲祥別墅短述

昔時過輞川雪日雪翩翩今時入輞川雪夜月娟娟
維也詩如畫縉也思如泉晉公有遺澤畫眉劍尚依然
不見庭前樹鬱鬱朝橫烟

擬行行重行行

未別心翼翼既別心皇皇不謂道里遠但念山川長
千金豪俠子坐亦不垂堂何獨遠行客踟躕猶一方
庭前有蘭蕙經時徒芬芳

經魏講武城

魏武昔年城半在漳河裏狐兔走郊墟烏雀巢營壘
未央固淪沒銅雀亦傾圮共言漢祚移豈解鄴宮徙
南奔復北趨不見漳河水

謁大梁先賢祠

龍馬朝負圖神龜夕獻書仲尼已千古吾道竟何如
伊洛鍾二程踐履同一初伯子何離離仲子亦與與
大極肇濂溪皐比撒橫渠堯夫共灑落君實獨卷舒
東來過精舍考亭聯綺䟽近思荷編錄百世端啓予
亦有張南軒義以為室廬聖人兆麟鳳君子振瓊瑤
卓爾如有立倚衡欣在輿摠衣拜荒祠騷首野踟蹰
願言駕鄒魯翩然凌紫虛

送李子西

盈盈鄆中客飄飄塵外思颯颯黃鍾調翩翩白雪詞
峩峩終南山瀟瀟黃河水鬱鬱朝采蘭娟娟夕采芷

明
忽
睽
違
在
輿
輟
何
日
歸

東園小集

携鶴過晴園風閒日初午開尊對遠山流霞忽在戶
黃鳥復關關芳草亦膺膺坐有同心人俯仰何今古
送李石壘少參

我有龍唇琴自昔徽黃金焚香對玉几彈之諧素心
君今駕鸞去誰為白雪吟援棄歌一闕縹緲條山岑
上有三臺迥下有百泉深

偶至西亭

薄暮登西亭開簾延夕照通衢車馬繁獨坐塵氛少
叢菊傍簷開落霞依林曜涼露襲人衣猶上平臺眺

何處揖群仙天門一長嘯

登樓贈屠侍讀應城三首

梁臺有高樓天半雲霏霏與客偶登樓倚檻鴻鴈飛
振衣忽干仞俯視嵩邱低移時坐樓中晴日流金暉
樓中何所見白壁生光輝樓中何所聞大雅聲自希
樓中何所薦黃河鯨獨肥樓中何所作白雪和還稀
客從金馬來暫此大梁遊大梁有高臺翼翼雲端浮
下有千仞岡上有百尺樓登樓俯大河砥柱飄飄流
客欲携我去同登崑崙丘崑崙多瑤草瞻顧心悠悠
青鳥以爲駕靈槎以爲舟

梁王昔有臺四壁皆危樓鴻鴈翩翩翔麋鹿呦呦游

與君今登臺但見雲悠悠臺邊有汴水今亦不復流
君爲玉堂侶我爲方岳儔與君期白首嚶嚶聲相求
賴有盈觴酒願言結綢繆

雪

二月已終旬嵐漪猶雨雪不聞鷓鴣鳴但見薜蘿結
蒼檜參天華東風動地冽征夫行未歸閨婦心空切

錦屏山 在宜陽縣

蜀有錦屏山閩水環其前韓有錦屏山洛水薄其邊
蜀山翠含霧洛山碧浮烟蜀有三陳貴洛有二程賢
登峴山望嵩山作

峴山望嵩山兩山不相似峴山昂然來嵩山翻然止

鬱鬱照中州沃野自千里底柱當龍門下有黃河水
甘棠召伯思赤鳥周公美吉甫三代人程子百世士

擬客從遠方來謝李子西胡介夫

客從遠方來遺我尺素書書中何所有條然游太初
濟濟漢多士讀書萬卷餘天人我當究諸子惟仲舒
感君切磋意垂惟我不如

客從遠方來遺我一壺春開緘香蒲几覃懷麴米醇
千里客行勞酌以陶吾真北風吹嚴冬一盃志已伸
君意豈在酒但念平生親

客從遠方來遺我雙飛翼雙飛在雲端千仞何由得
君有調和心我無割烹力長跪讀君書萬里情何極

上言各努力下言長相憶

客從遠方來遺我一銜鱸旬日與君別思君不能眠
念君遙致此萬里心拳拳有鱸豈不美一飯顏色鮮
何以報瓊玖加食理韋編

發魯山經南禪寺

出門見露山磅礴在平地宛宛梅覆村采采煙浮寺
廉訪携瑤琴將軍擁驍騎同我遊天衢長安何日至

雜詩二首 魯山道上

天廐富生芻嬌如桃李花上林多天馬厭飫日以加
玉墀服金勒萬乘凌晨霞繡鞍啓黃帕蹀躞朝士誇
漢王惜雲錦轉盼生光華朝朝踏瑤砌不識塵與沙

西方有騏驎長養汧渭涯雖之千里資五色爛雲葩
駉駉相伯仲不復論渥洼注奮飛追八駿九萬豈云賒
伯樂杳雲表瞻望空咨嗟

娟娟一株梅結根在平臺虬枝薄雲霧翩翩覆蒼苔
物序屆長至陽復花已開花開何鮮潔絕壁無氛埃
冬日雪初霽東山月亦來雖未入台鼎馨香浮九垓
漢宮桃與李妖艷陵天台春風滿枝葉陽和篤其材
上有露爲沃下有雲爲培紅白交上苑觀者時徘徊
嗟嗟梅獨晚歲寒心悠哉

初日篇邠縣道中作

曉行見初日皎若胭脂鮮初見猶奪目再見

曠曠廣千畝忽忽被八埏四時同照耀冬日尤堪憐
窮巷凍且融敝袍曝亦暄叶風塵光自潔雨霽色更
妍今日咸池上明日扶桑邊細推陰陽理晝夜相推
遷但願浮雲薄皜皜復年年

分題留別谷憲使仰之曹參知仲禮李參知子
西李工部伯才高廉訪子業鎮平中尉灌甫

古離別

瞻此同心友執手忽別離別離在他鄉情爲蘭臭滋
高堂良宴會臨觴不復辭東海日曖曖中岳雲祁祁
行子遙仗劍忽在天一涯君有陽春調我無白雪詞
援琴和大雅猶是逢君時康樂良宵夢惠連春草池

停雲齊梁國各言長相思萍梗雖無定鱗鴻終有期
何時復握手剪燭酬瑤卮

古風四首贈張侍御鳴南

與君會隴西相見卽相親君解金貂裘我飫玉壺春
昔鐘動天地白雪驚鬼神依依無雜言但道金石真
與君會京國京國多俊良君期我如瑗我重君如綱
君執國之憲我觀國之光賴有

不世主願言心相將

與君會濟上相別忽相逢兩地惜明月千里馳賓鴻
握手樂泉上論心岱岳東青松與遠志氣味固相同
與君別灤上灤上多春風昨日山岳震今日雨雪融

君辭調自雅君馬工願言辭白筆坐側
楓宸東

謁闕里五首

雞鳴起盥漱平明登宮墻對越杏壇下環珮蕭鏘鏘
東芹湛桂醕至馨徹崇堂旅獻列臺使松檜錯冠裳
百拜意未已瞻顧殊洋洋闔戶恍有見闔戶忽無將
仰聖歷千祀龍去何茫茫

巖巖泰岱高混混洙泗深杏壇依古檜不見瑟與琴
遂令千載下空懷尼父吟回點不復作雅頌無遺音
瑟今復絕響輾轉傷人心陰陽有天地詩書無古今
龜勉學顏子所樂何能尋

祥麟來何時王風已黍離不復夢周公徒爾贊危犧
掩涕嘆西狩麟哉來何為往者不可作來者猶可追
三千共負笈七十各垂帷六經詔千古永為帝者師
齊明趨闕里堂堂欣在斯

尼山青郁郁泗水碧潺潺闕里雲皜皜陋巷鳥關關
孔氏冠裳古顏氏門第妍聖公何翼翼博士亦翩翩
令尹且秩秩學錄復悃悃翊聖千載上報本百王前
不見室家美何知師友賢

蒼檜何鬱鬱天地培其根手植朱十載高出數仞垣
援琴息檜下枝葉時翩翩廟災檜亦火枝甦葉復繁
顯晦豈無數榮枯應有端川重來謁闕里攀檜夫何

言但願檜復發陽和迴至坤

古體七言

賦得金山高壽業師遂翁相國

金山高高挿天上可摩星斗下可披雲烟大江西來
幾萬里若非此山不知奔騰砰湃何時還小孤為之
後大焦為之前雪消春水漲潮生秋月圓山擎水中
寺石出江上泉海門橫砥柱屹屹何千年

懷雪行贈冷郡丞宗元

竹遶屋兮翩翩梅當戶兮娟娟雪映塔兮晶晶雲覆
砌兮漫漫彼美君子兮抱膝而坐看月而眠烹霞而
酌煮石而餐荒浙歷今滿地肆續紛兮彌天鹿偕鳴

今攸伏鶴獨舞兮翩躚飛豹舄兮若鳧披鶴氅兮如
仙麗近相如之賦白尚子雲之玄雅歸伯玉之調醉
吟太白之篇嗟彼美人兮復何在望之不見兮以日
以年忽彷彿兮錦江隈獨輾轉兮峨眉巔

君不見行贈朱士光大守

君不見絕代李廣未封侯君不見劉蕡才高讎下第
君不見賈誼白首淹長沙君不見屈平攜騷空洒涕
君不見回也陋巷嘆屢空君不見夷齊首陽嗟不世
君不見文王演易姜里囚君不見周公獲謗東都避
君不見棧閣嶮巖盡雲上君不見江濤洶湧透天
際君不見豺虎嘍嘍君不見荆榛齧齧君不見陶淵

明君不見柳下惠

同楊憲長仲衡王都闈靖之宿峴山寺

伊陽魯山岐路長兩程一日留僧堂汝水潄溪水作
梁峴寺嵯峨雲爲鄉埃吏擊折鷄犬僵釋子撞鐘林
巒昂廉訪鳴鸞聲鏘鏘將軍下馬風琅琅我亦追隨
坐芸房山人烹茶松桂香村肴野簌聊進觴鷺鼓鸞
簫情未央峴山萬疊如龍驤翩然至止卓錫傍雙塔
玲瓏日復光古刹紆迴山欲藏半空紺宇圍松篁中
天瑤殿諸笙簫素琴玄鶴遊上方岑參嚴武同徜徉
畫壁變幻圖梵王老僧指點言未詳文宗鑿輿跡已
荒昭明碑石篆亦創空谷水落簾飛揚平田泉湧珠

微茫晴溪浮煙籬外障錦岫列屏雲中翔麗壑融融
冬不霜下寺雙檜遙青蒼東山月出流迴廊客子欲
眠猶擁裳明發驅車僕御強峴山峴山不可忘

登岳歸至中牟馬上懷臺省諸君子

臺省翼翼臨大河諸公賞雪情若何今年瑞雪亦既
足明年瑞麥還復多錦瑟瑤琴動四筵請聽白雪房
中歌一倡一酬月忽出月光雪色流金波我來梁園
春亦至欲和陽春裁越羅賞春寧與賞雪異但願携
酒朝鳴珂賞春賞雪不在酒迴看嵩岳青嵯峨

劍溪吟贈鄭黃門舜祥

劍溪吟贈鄭黃門舜祥
昔昔劍溪水渾濯吾鏤兮溪水澄斂吾鏤兮溪水

止橫吾刃兮溪水明溪上兮草堂堂中兮夕即佩道
兮中谷沛德兮上方

近體五言

寒山寺

牢落寒山寺鍾聲自往年海風臨客枕江火傍魚船
不聽禪心寂偏聞旅思懸誰家絃管急歡笑玉樓邊

送林公都憲粹夫

關輔多豪傑風流異代聞衣冠識豐鎬圖籍見義文
竹茂鳳還集谷幽蘭自芬南歸望中立北學憶河汾
贈副漕張參將文光

畫舫巨雲開仙郎海上來于艘浮水月萬竈淨氛埃

樞密聯鑣出金吾侍駕迴相逢忽江上春盡未銜杯

登岱嶽五首

帝闕紅雲蓋仙壇白日光千盤驚到嶺一曲笑臨堂
倚檻盡秦越摩崖空漢唐恍然坐天上神思欲飛揚
海天初縱目八極思悠悠太華彈丸出扶桑勺水浮
秦松雲不斷宋簡玉空留落日猶回首黃河窈窕流
懸崖隨鳥出絕嶺舉雲躋俯仰乾坤小馮陵星斗低
日峯紅照海玉觀碧冲霓子夜接琴坐天宮動曉雞
諸峯羅宇下一柱立寰東石表千叢集天門百折通
元宵庭有月落日袖無風孤峭不能寢海雲中夜紅
突兀青天上翩躚碧海邊風高鰲欲動雲落鳳初騫

南峯贈終南周生

北斗懸城上南峯落座前
魂出雲天白日鳥飛入
虛田
草柱衣冠曲周秦
幾幾天岸紗時點
易倚杖忽悠悠
與諸寮登大石

共來登大石秋日暮雲輕
山半魂鬼出湖邊縹緲生
海空橋欲渡日與棧初橫
歸去歌明月翩然塵子城
陪徐戶部刻戶部徐翰林遊虎丘

看山夏日長清
松坐山堂
四馬金園
茂德愛玉
暑香
石關泉自出
虎伏劍空
藏殿
同明月
乃豈
盈物
外
帶
走筆
題
戶部
應
鳳

夜夜海東回波迎雲不流我桂向何處二島心條
敢諫

君恩百葉葉十符符仙舟仙舟通細和玉道玉道在滄洲

遊林屋洞次韻

洞中別有天我亦地行仙
層巒山斜入
石鏡細翻萬頁讀
高梳道經眠去去
徒驚許龍宮何處家

送崦西徐學士

洞庭徐學士被召赴
經筵

日邊回臣分廣近一品
賜袍解把酒

魏短篇

訪徐生中堂不及

滿天甘水竹何處覓徐郎
小棹空明月孤雲自草堂
桃源遙憶路花徑忽聞香
回首延陵道神交曉夢傍

與客登虎丘

崇丘夏日涼竹石映空堂
樓迴山俱集溪虛寺欲藏
詞人奏大雅孺子歌滄浪
無那南風迅荷花棹遠將

席上贈黃太史才伯

繫舫投山谷燒燈話玉堂
吳門烟月白秋夕水雲涼
帝座瞻牛斗天池集鳳凰
奚囊有封事前席報

君王

夜登虎丘

陪陳虛菴張揮使諸君子

秉燭登虎丘八月星漢流
牙璋迎萬戶皂蓋引諸侯

溪轉迴雲霧池虛動斗牛佛盤忽千點玄塔水中浮

丹山仙逸贈熊大尹

仙子住丹山翩然俯碧寰孤峯鶴孃孃萬壑松珊珊
石煮青精飯霞分白玉顏長安千里道回首五雲間
贈寒泉伍比部疇中

四海稱文士吳門有陸機陽春歌獨倡大雅和還稀
日近紅雲起天空彩鳳飛皂囊具封事星履上金扉
送張公司寇考績還留都

旛蓋通南極冠裳動北辰金門還待漏象簡欲調

鈞斬外鍾山月尊前路水春奏功應第一

天子重儒臣

贈新城陳尹璠

京畿名令尹兩邑摠風神碧樹年年雨黃鸝處處春
弦歌傳宇宙鳥鳥動星辰
天子應知姓循良滿縉紳

曲江春思贈丁汝和

曲江待已久不見美人來紅杏垂春雨蒼龍起暮雷
題橋猶有跡作賦况多才暫去登山谷談玄梅欲開
題鄭三原去思卷

漢代多循吏郎官有令名飛鳥看鳥近列宿傍辰明
流水琴當几開花桃滿城秦川東到海不盡去思情
送王叅將北戍

須爾鎮宣大

君王北顧勞三軍還紀律萬竈且旌旄河壓長城重
雲屯細柳高
明時有王翦况復鮑文騷

臨城逢楊孔目席上次韻二首

繫舫傍河洲揮鞭入置郵寸心懸日月一鶴度春秋
花發鳥初語天空雲欲流行邊逢故舊子夜話初休
花繁薛水洲鳥亂滕山郵晶晶雲將曙離離禾欲秋
日邊鸞鳳集天外星河流萬里逢佳客援琴歌未休

輓鍾御史卿密

哀哀鍾侍御何處覓吟魂陽羨山應裂廬陵雲欲屯
子花空落簡驄轡自過門千里薦蘋藻徘徊那復言

弔朱參政凌溪中秋日

不見凌溪子悠然獨爾思平生稷契志一代杜陵詩
空對中秋月遙憐采鳳池斯文知不泯細讀郢中辭
湖東草堂與歸生體之

湖西草色青湖東花氣氛潮生江浦月風約洞庭雪
半簾呼鶴至一席與鷗分朝引蓬瀛客仙郎有令聞
哀王壽夫憲使

不見王摩詰新詩獨爾傳終南空水竹紫閣自風烟
白簡持天上青驄下日邊思尊聊引疾何事遂淒然
送梁壺山景行之任湖南

送爾洞庭去岳陽新水生尊前黃鶴起簞裏白雲橫

明月姑蘇棹春風北固城相逢復相別不盡百年情
渡瀾次韻

湖上千山集城邊一水長浦雲秋漠漠江樹晚蒼蒼
舞鶴遙隨蓋飛鳥低度檣崆峒復何處回首獨茫茫
入携李哭蕭梅林憲副

梅花自千樹不見種梅人笛裏蕭蕭月琴邊寂寂春
昭明文好古和靖思通神此日臨江郡追尋涕滿巾
鼓棹相廬江土作

鼓棹春江上東風弱柳垂越山青入岸楚水碧分岐
日暖鳧初浴烟晴漁欲炊澄波杳千里雲遠鶴飛遲
弔韓淮陰墓

齊國逆未逆漢皇疑不疑河山百二壯戎馬八千危
名墮偽遊地功隳假乞時荒臺垂古廟秋草日祁祁
尹之先小畫

茅屋小橋西春花映曲溪漁舟垂荇藻野渡浴鳥鷺
徑轉蒼崖合峯迴碧樹齊晚風初卷釣散步倚青藜
吳岳代人作

郡齋對高岳咫尺有丹丘嫋嫋五峯出粼粼一水流
遶山語鸚鵡綠路響琳球便欲乘孤鶴凌空恣遠遊
遊玉清宮沂陽

繫馬登靈觀飛樓俯落霞瑤堦入禾黍丹壁隱龍蛇
柱史新題在仙郎舊路賒年年三月雨沂水自桃花

宿下生寺

寺古僧無屋階虛客有牀
婆娑雲共卧窈窕月相將
俯仰還三界徘徊自八荒
衣裳不覺冷起看斗牛光
酌難老泉壽嶺峯王二舍憲

潑潑晉溪水開尊暫爾留
杯邊鷗泛泛歌外鹿呦呦
遶砌泉俱出含山殿欲浮
吹笙壽王子緱嶺復何求
寄王太史敬夫

絕代王摩詰詩名海內傳
輞川空有畫華岳豈無仙
芹煮青精飯烟屯白玉田
相逢忽相別回首各潏然
寄贈趙游擊

徧徧趙充國屯田欲上書
將軍平涿鹿

天子夢華胥鳥鼠臨高曠
峒通太上清
橫槩咲相呼

送劉節判溪燕懷黃太守仕隆

別駕秉轡去一陽初動時
山雲晴靄靄水月碧瀾瀾
爾雅琴中調風流壁上詩
論心有叔度騎馬欲追隨
懷李子西

李白今何處相期欲解貂
報君愧桃李贈我是瓊瑤
驥足還千里鵬程自九霄
好將漢詞賦共獻

聖明朝

鳴泉亭子宴集

暇日隨賓從開尊

帝子家晚風傳急管晴雪照

流霞 殿閣團雲蓋簾櫳度月華鳴泉滿清聽小汲
復烹茶

弔王尚綱過郊縣作

蒼谷今何處停車客思長文章自康海氣節亦何瑯
方伯行藏得司勳姓氏香新碑空鳥篆落日奠椒漿

寓山侍御駐秦郡久候不至詩以促之

李子來何暮泰山行已過雲攀秦殿闕風送漢笙歌
閭闔練猶在崆峒路不多半空逢玉女放鶴忽蹉跎
聞李侍御已下泰山詩以訊之

白雲導黃鶴仙侶駕應迴攬轡山初動捫蘿洞欲開
三峯秦有月一柱漢無臺松下拜童子大夫何處來

雪行有懷

出門逢臘雪千里踏瓊瑤仙嶺飄還繡陽川舞欲消
乾坤忽混沌人物自逍遙李白今何處相邀共解貂
鹿松齊壽贈梅國

贈王居士

聞道梅花國天空白日長孤松更旖旎群鹿與徜徉
鬱鬱晴雲結啾啾春草芳美人漢元老鶴髮待明堂
四過王居士高庭綠樹多三槐雲縹緲一桂月婆娑
門遶黃河水家藏白雪歌時乘孤鶴去煮石太行阿
次韻柳湖亭

河岳官程遠湖亭客興長舟航通几席絃管從靈錫

楊柳年年綠荷花面面香遙憐蘇仲子秋色靈臺蒼
主人繫舫處客子納涼時小酌亦須醉相逢元未期
絲垂楊柳院花壓菱荷枝夕照湖偏白簾開席更移

元日柬王中丞戴扈二黃門

元旦留曹縣新年留兗州日乘泰岳出雲引大河流
瑣闥二難並蘭臺一老收春風壽椒酒相對思悠悠

懷李寓山侍御時李游靈巖寺

彼美靈巖寺騎龍李白來疊飛唐有殿壁立漢空臺
詩到懸泉和尊當絕巘開舊遊驚十載夢繞屋梁迴

烏胤山人小集卷之五





